



21995

III

Mag. St. Dr.

P

Siestki.

Tolomiarum Dec.

Pastoris Johannis Aegii Palladia in personis  
Potentior. Principis et d. d. Scanni. M. P. R.  
Clypeo genitricis adumbrata.

Guloni Typis. Sim. Reünigeri.

PANEG. et VITAE

Polon. Fol.

№/285



450  
AEGIS PALLADIA

IN

SERENISSIMI AC POTENTISSIMI  
PRINCIPIS ET DOMINI  
DOMINI

JOANNIS III.

REGIS POLONIAE.

MAGNI DVCIS LITHVAN. RVSSIAE,  
PRVSSIAE, MASOVIAE, SAMOGIT, KIOVIAE,  
WOLINIAE, PODOLIAE, PODLASS. LI-  
VONIAE. SMOLENSCIAE, SEVER.  
CZERNICHOV. &c.

CLYPEO GENTILITIO

SARMATIAE, ORBISQ. CHRISTIANI PROTECTORE  
ANNO M. DC. LXXVI.  
II. FEBRVAR.

SVB IPSAM INAUGVRATIONIS REGIAE  
SOLENNITATEM

*adumbrata*

*a*


Joachimo de Hirtenberg Pastorio, S. R. M. Se-  
cret. Histor. Commis. & Burggrah. Mariæburg.



GEDANI,

TYPIS SIMONIS REINIGERI.





# AD SERENISSIMUM REGEM.

**H**eroum caeleste genus, quo Vindice surgit  
Patria, PELIDEN lata tulisse sibi:  
Cui Divina manus meritam Virtute Coronam,  
Sarmatiaeque sua libera sceptrum dedit,  
Adspice. PALLADIAE, quae cernitur, AEGIDOS VMBRA,  
A radiis lumen certat habere Tuis.  
Illustrat natale decus Tibi MARTIVS VMBRO,  
Qui LECHIAM texit fortiter VMBRO suam.  
Obvia Tutorem passis nunc excipit ulnis  
Mater, & applausu Terra Polusque favent.  
Debitor ipse novum columnen Parnassus adorat,  
Devotaque offert Cyrrhea dona manus.  
Accipe, quae dantur, REX INCLYTE, fronte serenâ,  
Ac dantem CLYPEI protegat Vmbra Tui.  
Invidia nam tela nequit sufferre Camena,  
Sit nisi Regali fulta favore DEA.  
Ipsaque vix ausit Pallas sic Aegide niti,  
Vivere sub CLYPEO quin amet illa Tuo.



**N**E quicquam dubio secum certamine pugnat  
Conscia Musa suis, trepidans peccare tacendo,  
Nec tamen ausa loqui. Luctu perculsa recenti  
Canities Heliconae pati, Phoebumque recusat:  
Ardua quoque ingenti rerum fastigia mole,  
Virtutumque immensus apex cantare parantem  
Tardat, & imparibus prohibet tam grandia nervi  
Tangere, quae melius veneretur rauca silendo  
Chorda, timens nimio ne pondere victa fatiscat  
Publica sed plausum jam poscunt gaudia. Supplex  
Dona CORONANDO debet Reverentia REGI,  
Et Pietas jubet ipsa loqui. Sic surgit in ausus  
Jam dudum deserveta novos, rugaeque senilis  
Immemor, Aonios, ipsa sese altior, æstus  
Concipit, & Clarias mordet mens ignea laurus.  
Ille enim, qui Scythicas radiis victoribus umbras  
Dispulit, & Patriae lucem, ceu Phosphorus alter,  
Reddidit, emeritas rarâ Virtute Curules  
Scandit, & augustâ librat jam fronte CORONAM.  
Ecce tam rigido torpescat frigore pectus?  
Quae linguam glacialis hyems, & plectra ligavit?  
Quin fulgente novas capiant hoc sidere flammæ,  
Inque triumphales se laxent omnia cautius;  
Quin simul ipsa stupens annis, & saucia curis  
Vena reviviscat, positamque lacessat avenam.  
Unde sed ingrediens laudum sublime theatrum  
Pierius trahet orsa labor? me copia rerum  
Circumdans inopem reddit: lux plurima mentem  
Offuscet splendore suo, radiosque moratur  
Ingenii, & dubia sistit molimina cura.  
Si generis lustrare decus, Cerasque vetustas  
Musa velit, grandes Lechia transcribere fastos  
Esset opus, tanti nec erit nisi tarda laboris  
Meta; sed & longo cum plurima dixerit orsu,  
Plura tamen dicenda forent. At proxima nobis  
Sit tetigisse satis. Memori non excidit avo  
Bellonâ praelustris AVVS, qui viribus idem  
Ingenii, eloquiique potens, carusque Monarchis,  
Et patriæ gratus, libertatique decorus,  
Sceptrum Palatini tenuit, lux inclita gentis  
Sarmaticæ. PATREM simili mox tramite laudum  
Filius excipiens, procul hunc superavit honorum



Culmine, cum Solio Regali proxima cessit  
Purpura promerito, *Castellanumq;* creatum  
Urbs Regni princeps coluit, coluere Dynastæ,  
Et palmare suum dixit Respublica fulcrum.  
Non huic consilio similis, non par fuit alter  
Ore Pericléo. Quicquid tum *Pallade* dignum  
Gessit utrâq; Lechi tellus, hoc *Nestore* gessit.  
Ille *LADISLAO*, Moscum diadema petenti  
Jure, quod à populo *Princeps* electus habebat,  
Magnus Consilii custos, rectorq; juventæ  
Additus, huic tandem, cari post fata Parentis,  
Conciliator erat Regni, cum Patria tota  
*JACOBO* moderanda dedit suffragia Campi,  
Qui dare sceptrum solet, magnos & dicere Reges.  
Huic neq; Threicii sunt formidata Monarchæ  
Arma, sed indomitus, tanto frænante capistro,  
Osmanes vinci didicit, pacisq; receptis  
Legibus, immiti, nec sicco funere bustum  
Quod Lechiæ molitus erat, furibundus inivit.  
Sic manus Emathio jam tum *SOBIESCIA* sceptro  
Visa fuit fatalis, & ingens fabrica condi  
Cæpit, quam tandem major Patre *FILIVS*, astris  
Perficit auspiciis, Patrio iam cælitus Orbi  
Defensor, *CLYPEVSq;* datus. Nam *stemma* tali  
Signarunt illustre *genus* præfaga futuri  
Fata, & nobilibus stimularunt pectora flammis.  
*Maternæ* jam mitto decus monumentaq; stirpis,  
Digna pari monumenta tubâ, si Musa patenti  
Credere se vellet campo, spatioq; vagari  
Liberiore manus. Sed jam mihi sufficit Heros  
Conspicuæ Virtutis *Avus*, fortissimus ille  
Hæctor Lechigenum, tremuit quem Moscua quondam,  
Patriaq; Oraclum Regis, post fata Samosci,  
Vidit, & æternis commendant clara papyris  
Ausa, necisq; genus, cum duri Martis arena  
Hauit pro patriis, invicto pectore, terris  
Impare pugnantem fortunâ, altoq; cadentem  
Vulnere. Sed Virtus tumulo sublimior extat,  
Et nescit post fata mori *ZOLKEVIUS*, ingens  
Sarmatiæ vindex, ac tandem victima gentis.  
Sanguine Tu tali genitus, *Fortissime Regum*,  
Indole Divinâ, primævo à flore juventæ  
Heroum Virtutis iter, cæloq; probatos  
Ingredieris calles. Puerum Tritonia Pallas  
Ungve suo format, secretos pectoris ignes  
Delius ipse fovet Pater, & cælestibus auris  
Suscitat, arcanis doctrinæ fontibus implens

Subli-

458  
Sublimem genium, semperq; ad *Principe dignas*  
Exstimulans curas, vidit quia præscius Augur,  
Quæ maneat fortuna Virum, quid spondeat æther,  
Et quàm grande decus posthac sub Principe tanto  
*Præsidiumq;* suis promittant Numina *Musis*.  
Non tamen Aoniis nimium latuisse sub Umbris  
Permisit Fortuna Tibi. Sistenda theatro  
Lucis erat, puber quo maturæsceret ætas  
Sole sub aprico, magnis & idonea rebus  
Surgeret in Lechiæ decus immortale *Coronæ*.  
Inde peregrinas placuit Tibi visere gentes,  
Quicquid & Hesperiiis usquam Sapiencia *terris*  
Condidit eximium, docili perdiscere menti  
Summa cupido fuit. Sensit Te Roma capacem  
Rerum magnarum, sensit cum Teutone Celta,  
Et Scaldin quicumq; bibunt, Rhenumq; bicornem,  
Tum Getici latices Istri, Scatebrasq; Tibisci.  
Te quacumq; pedem ferres, excepit ubiq;  
Et fovit peregrinus amor. Generosa placebat  
Omnibus augusti vultus, & Principe digna  
Majestas oris, traxit quoq; gratia morum,  
Illaq; tranquillâ spectata modestia fronte,  
Temperiesq; animi, nec quicquam futile spirans  
Sermo, sed occultis innectens corda catenis.  
Patria cum reducem vidit, Bellona lacertis  
Protenus est amplexa suis, aptumq; Gradiivo  
A teneris experta, novum Te cæpit Achillem  
Fingere, perpetuisq; dehinc exercuit armis:  
Non horrere docens hyemes, non cruda Bootæ  
Flamina, non nimio Phœbi langvere sub æstu,  
Nullum operis trepidare genus, superare natatu  
Flumina, pervigiles armatum ducere noctes,  
Esuriemq; sitimq; pati, tolerare pericla  
Intrepidum, valido obstantes perumpere ferro,  
Non numerare globos, dextrâ sibi quærere laudem,  
Vulneribusq; decus, cælo patriæq; sacratum  
Ferre caput, quotiesq; opus est, non parcere vitæ.  
His tirociniis, tali durare palæstrâ  
Vernantes humeros, animumq; ad grandia natum  
Solennis Tibi ludus erat. Sic Thessalus Heros  
Non procul à terris, quæ Te tremuere propinquum,  
Ad Martis trabeas primis deduxit ab annis.  
Sic tener Alcides, olim meriturus Olympum,  
Membra fatigabat tandem domitura Gigantas.  
Sic Geta Threiciis sudantem vidit in armis,  
Et juga lassarunt puerum Rhodopeia Martem,  
Grandia spiranti durum quoq; sidera campum

B      Obje-



Objecere Tibi. Nec enim truculentior unquam  
Incubuit Patriæ, coelo irascente, malorum  
Ilias: extremæ miseram damnasse ruinæ  
Fata videbantur, belli tonuere fragores  
Undiq; penè omnis subito vicinia fudit  
Hostes, & streperi fremuit terrâq; mariq;  
Vis gladii, vix ipsa salus servare labantem  
Posse putabatur. Rapido *servilis* ab Euro  
Prima procella fuit, plebes cum rustica frænos  
Excuteret, Scythicisq; ferox exurgeret armis,  
Cervices scrutans Dominas, & Lechidos artus  
Dirâ *fata* vorans. Illi Tu, Martia Proles,  
Objectare Tuum, prima inter fulmina, pectus  
Ausus es, Alciden animis juvenilibus æquans,  
Gorgoneosq; instans lacerabas ungvibus Hydros.  
Non semel immanis meristi in viscere monstri  
Arma, quia haud uno dirissima vulnere Lerna  
Procubuit, sed sæpè caput rediviva sub auras  
Extulit, atq; animos viresq; à vulnere sumpsit.  
Ah! quanto maduit belli hæc feralis arena  
Sanguine nobilium! quot Clari nominis istic  
Interiøre Duces! inter primaria gentis  
Sidera, quæ præsens ætas, quæ postera semper  
Fama canet, proh fata! Tuus florentibus annis,  
Unicus occubuit *Frater*, spes altera magnæ,  
Pulchraq; gemma Domûs, Patriæ virtute futurus  
Æmilius, fulmen Martis, si sera vocasset  
Heroum Lachesis Juvenem. Nunc laude superstes  
Perpetuâ vivit, templisq; insertus Olympi,  
Semi-Deosq; inter, Proavum, magniq; Parentis  
Complexu gaudens, *Te* Regia sceptrâ gerentem  
Coelo spectat ovans animis, jugiq; triumphum  
Latabundus agit plausu, *Fratriq;* faventes  
Perpetuò Superos & candida fata precatur.  
Non desævierat furiis excita Cosacæ  
Plebis tempestas, aliam mox traxit ab Arcto,  
Cum mare Parrhasium vomuit numerosa phalangum  
Agmina, belligerosq; Gothos effudit in agros  
Sarmatiæ, quæ tota sibi tum dissona, tardas  
Opposuit vires hosti. Sic objicē nullo  
In medios ruit ille sinus & viscera Regni,  
Ac propè cuncta suis reperit, vel fecit aperta  
Consiliis. Socias jungebat Dacia turmas  
Hunnigenæq; suis subito de montibus ingens  
Militiæ robur Lechicas immisit in oras  
Ambitione tumens cæcâ *Racocius*; ibat  
Huic comitum malefida cohors, quam Russia misit.  
Tristibus instupuit tot fluctibus obruta Lechis, Nec

459  
Nec satis ipsa sui compo dedit hostibus ægrum  
Primâ fronte latus, multasq; hæc naufraga puppis  
Hausit aquas. Donec pulso generosa sopore  
Natio commovit vires, quatiensq; lacertos,  
Excussit feralē jugum, fecitq; sepulchrum  
Gentibus externis Patriam, raptasq; curules  
Reddidit ense sibi victrix, terrasq; recepit.  
Hic Tua Sarmaticos inter spectata Camillos  
Emicuit belli Virtus, Regiq; fugato  
Martia festinavit opem, Lechicoque cubili  
Usque virens annis, pulchris tamen ausibus apta,  
Movit Hyperboreas gladio felice catervas.  
At vix dum fulgere minax occæperat ensis  
Gotthe Tuus, Lechiæ nullo cum jure cieret  
Arma Lyaoniis alius progressus ab oris  
Hostis, regna tenens latè porrecta sub Ursa  
Cardinibus, verè Dominator lege solutus.  
Huic quoque se junxit nobis inimicus, & in nos  
Præbuit immanis dextras & tela Cosacus.  
At læsam fortuna fidem Virtusq; Polona  
Ulta fuit, foedâque hostes ejecit arenâ,  
Milite non multo, cujus sed siveverat ardor  
Ingentes superare acies, & fræna superbis  
Ponere; pugnantiq; Deum præsentia favit.  
Floruit hic rursus Tua *Dux prosperrime*, laurus,  
Hic palmis virtutere manus. Non nesciit Arctos  
Sudores extrema Tuos. Te Desna videbat  
Indomitum bello, Te victa Borysthenis ora  
Admirata fuit, fusoq; immixta cruori  
Sæpius erubuit, spectans perjura suorum  
Pectora, pollutasq; manus, arasque Tonantis.  
Jam Tua quis contra *Scythicas* dicere gentes  
Prælia sufficiat? quæ percensere Camcenæ  
Cuncta queant? Nullus nobis elabatur annus  
Vix & hyems, Scythicas quâ non arcere cohortes  
Re sjubeat. Cum perpetuis Gens dira rapinis  
Vivat, non Cererem glebâ, non artibus ullis  
Quærere sveta, suæque simul Meotidos undis,  
Euxinoquè mari, tum paupertate perenni  
Tuta, celerquè fugâ; sic irrequieta propinquos  
Sollicitat populos, Lechicosquè incurrere fines,  
Venariq; hominum passim genus omne, gregesquè  
Assolet. Hanc contra semper mucrone parato  
Pervigil excubias egisti, ensesque latronum  
Fregisti bellace manu, raptorque rapina  
Sæpè fuit, crebroque Tuâ Virtute soluta est  
Captorum infinita cohors, quæ jure salutis



Te reparatorem. Te libertatis asyllum  
Prædicat, & verè SCUTUM columenque Tuorum.  
At Schytà ceu pestem metuit, sine cæde reversus  
Nunquam, cum fluvius, casusve latere volentem  
Commisit Tecum, pugnamque ciere coëgit.  
Ampla cano, sed multa silens reverentia transit,  
Ut plectris majora meis. Et plura patraffet  
Vis Animi Dextræque *Tua*, nisi livor iniquus  
Atraque suspicio remoras posuisset eunti  
Tramite laudato. Quoties ah tristis Enyo  
In Te surrexit? quoties per inania Famam  
Invasit violenta Tuam? quàm lurida nubes  
Invidiæ textit, quæ Tu memoranda gerebas  
Pro Patriâ? quàm sæpe fides præclara monenti  
Defuit? ô quoties clamabas, *panditur in nos*  
*Thracia porta, parat jam dudum tela virosq;*  
*In Lechiæ jugulum. Vos ô consurgite Cives,*  
*Et Bizantini diros cohibere Tyranni*  
*Quarite conatus.* Sed non permisit Erinnyes  
Esse fidem dictis; vani figmenta cerebri  
Nec pravo caruisse dolo sunt credita, quæ Tu  
Pectore sincero, Patriæque impulsus amore  
Svadebas. Adeo cæco in sua fata ruebant  
Impete discordes, vertigoque tanta trahebat  
Præcipientes animos: qui dum sic volvere pergunt  
Rixarum fluctus, rabies Othomannica vastis  
Ingruit Agminibus, mox & Camenecia rupes  
Cingitur, Eo mora detestata Monarchæ,  
Tunc armis instructa minus: Spes deficit omnis  
Auxilii; Cives aliò quia verterat ardor  
Irarum. Paucis sic *Troja Polona* diebus  
Indomitam Odrysiæ cervicem subdidit hosti.  
Ingemuit tantæ trepidans vicinia cladi,  
Et Pietas diro læsam se vulnere sensit,  
Hic cum Christiadum murus sub Mechica lapsus  
Jura fuit. Tardè sapiens post vulnera Lechis  
Indoluit, nudum se prostituisse Tyranno,  
Jam confessa latus, quin expectabat in ipsis  
Visceribus ferrum, quod lassæ arcere nequibat.  
Sed Superi, quæis cara magis Respublica visa est,  
Quàm fuit ipsa sibi, frænum posuere Monarchæ,  
Belli interstitium dantes sub imagine Pacis,  
Pacis at heu! miseræ! veterum quam conscia laudum  
Erubuit, lethoq; parem Gens Martia duxit.  
Nec mora. Tu præiens alios, calcaria creber  
subdebas animis, *ecquis, nisi degener;* inquis,  
*Indecores Leges, & blando nomine tectum*

*Servitii*

76  
*Servitii tolerare jugum, pendendaq; Bassis*  
*Æra queat? Sunt usq; manus, sunt arma Polono,*  
*Tam grave quæis possit Patriis avertere terris*  
*Dedecus, ignotum Pro Avibus. Seclog Parentum,*  
*Quorum si cupimus non inficianda propago*  
*Censeri, maculas stet cura abolere pudendas,*  
*Pupillamq; manu forti tueamur honoris,*  
*Sanguine quem partum Virtus. & Cura reliquit*  
*Indefessa Patrum. Satis est Acheronte profectam*  
*Tisiphonem tantum potuisse, in mutua damna*  
*Ut nos impulerit, nullosq; habitura triumphos*  
*Arma. Redux fraterna novo concordia nexu,*  
*Et Patriæ communis amans nos vinciat ardor,*  
*Justaq; in Emathias ruat indignatio gentes.*  
*Libertas animis ignes, & gloria thyrsos*  
*Subjiciat, stimulos imprimis cura Tonantis*  
*Addat, Agarenæ nostris in finibus Aræ*  
*Intolerans. Moveat nos postera turba, nepotes*  
*Detestaturi pro libertate Parentes*  
*Non bene sollicitos, prisca nec laudis amantes,*  
*Surgite, magnanimi Cives, abstergite labem,*  
*Armaq; deformi, Duce me, præponite Paci.*  
Scipiadae tanti voces generosa subibant  
Pectora, continuo delectus miles, & arma  
Undiq; fulserunt. Regem non detinet ipsum  
Vis morbi, quin castra petat: cum membra labarent,  
Pertur in ardentis Bello, imperterritus oras,  
Et tetigit votis, oculo quas fata negarunt  
Tangere; nam rapuit Lachesis pugnare volentem,  
Orbavitq; suos tanto in discrimine rerum  
Rex, citò præreptus Terris, & redditus Astris,  
Vix dum gustatâ Lechici dulcedine sceptri.  
Durius afflicto, tali sub cardine, Regno  
Consuluisse videbatur Fortuna, timorq;  
Magnus erat, ne læva iterum discordia Cives  
Raptaret, quos unanimes veneranda tenere  
Majestas potuit. Sed cum tam vulnere diro  
Iratum Lechiæ rebus se prodidit Æther,  
Clarior ejusdem juxta clementia luxit,  
Quando triumphali cinxit *Tua* tempora lauru,  
Principis extincti, tam grandi munere, famam  
Anticipans. Regis sese configere miles  
Credidit auspiciis. Felix at sidere pugna  
Constitit illa Tuo. Soli mansere trophæa  
Illibata Tibi. Patriæ tamen illa modestè  
Assignas Genio Tutori, huic omnia gratus  
Filius attribuis. Tanti sed fama triumphii

C

Una



Unâ cum fato Regis dispersa per orbem,  
Vix reperire fidem potuit: transcendere sortem  
Credita sunt nostram tantæ miracula palmæ.  
Castra adstructa Tyræ, durâq; crepidine ripæ,  
Præcipitiq; jugo, & firmis tutissima vallis,  
Armorumq; omni, victusq; instructa paratu,  
Et plus ter decies millenûm tecta Virorum  
Robore, perpetuas jaculantum exaggere flammæ;  
Victori cessisse Tibi vix unius horæ  
Expugnata morâ, forti cum milite magnos  
Procubuisse Duces, vix agmina pauca cruentam  
Effugisse necem, scopulos rubuisse madentes  
Cadibus, & spisso manasse cadavere flumen  
Ac plenos spoliis clivos, vallesq; superbis  
Sarmaticas ditasse manus, arcemq; Chotimi  
Atq; alias Urbes, Pruti quas alluit unda,  
Hostibus ejectis, sceptro cessisse Polono,  
Omniaq; hæc modici pretio constare cruoris,  
Grandia erant nobis portenta, & credita cunctis  
Mortali majora manu-Tuq; ipse faventi  
Hoc opus insolitum totum transcribis Olympo.  
Non stetit hæc fini cælestis gratia, majus  
Destinat illa *Tua, Princeps*, meliusq; brabéum  
*Virtuti*, Patrio dignam *diademate* censet.  
Laurea nulla satis tantos pensare triumphos  
Posse videbatur, Regum meruisse curules  
Creditus es Superis. Alii dare sceptrâ recusant.  
Quàm qui sceptrâ recens servasset, & usq; tueri  
Sufficiat pollente manu. Sed clausa patebant  
Hæc decreta diu: scriptas adamante tabellas  
*Electo* demum referavit *Campus*, & horæ  
Momentum Coelo placitum. Suffragia primûm  
Tendebant aliò. Peregrini sanguinis Ostro  
Imminuere Proci. Qvin jam *nonnemo* propinqvâ  
Visus erat prensare manu. Sed deniq; Coelo  
Emicuit summæ, cui parent omnia, dextræ  
Calculus, applaudit populus, pars plurima fasces  
Cælitûs *Electo* mox subjicit, Ipse recusas,  
Dum qvenquam dubitare vides, spernisq; vocari  
Electus, nisi concordî *Te* nuncupet urnâ  
Campus, & unanimi cocant suffragia sensu.  
Consensere omnes tandem, *REGEMQUE JOAN-*  
*NEM*

Publica Vota sonant. Lætatur *LECHIA MATER*  
De gremio venisse suo, qui tanta gubernet  
Regna, parem summâ Virtute animoq; præesse  
Orbi, *Davidem* genio, vi Martis *Achillem*.

*Theodosius*

76  
*Theodosius* pietate parem, curâq; *Zalencum*  
Justiciæ, mitemq; tamen, nulliq; timendum,  
Quam quibus est odio Virtus, quive arma minantur  
In fonti Patriæ, tacitis vel fraudibus obsunt.  
*Electo* sed deerrat adhuc, ut porrò sacratum  
Vinciret *Diadema caput*. Mox etgò rogârunt  
Cives, Regalem properes ut adire *Tiaram*.  
Pugnavit rationum acies non vilis, & ad *TE*  
Svada perorabat pro *TE* facunda *Senatus*.  
Fortior at cunctis jussit dare causâ repulsam,  
Quam dederas prior *Ipsè TIBI*. Sic omnia vicit  
Argumenta *Salus Regni*: quæ casside condi  
Poscebat *Regale Caput*. Sic publicus in *TE*  
Privatò præpollens honos, prolataq; Sceptri  
Ornamenta *Tui*. Pergis *Diadema* mereri,  
Sumere quod differs. Tanto sic grandior exstans,  
Quanto es spontè minor: verèq; hoc dignior *Ostro*,  
Quod removens, *CLYPEO* properas gladioq; tueri.  
Nec mora. Mox toto sonuerunt classica Regno,  
Concurrîtq; madens effuso sanguine Thracum,  
Eoisq; nitens spoliis, armisq; decora  
Bellatorum acies: sperans cumulare trophæis  
Nuper parta novis. Animos Dux Martius auge,  
Fortunamq; in *Te* comitem sibi miles, & ipsos  
Credit stare *DEOS*. Tali putat auspice dextris  
Pervia cuncta suis. Pronus sic ire remotos  
Ad Patriæ fines properat, sic figere castra  
Russia pertremuit, trepidavit turba rebellis,  
Nec paucos peccasse pudet. *Tu* parcere lapso  
Non tardus populo, passim Diplomata spargis,  
Promittens veniam justo se reddere promptis  
Imperio, reliquos Domitor premis acribus armis,  
Dum crudâ cervice rigent, Dominasq; superbo  
Contemptu fugiunt leges, frænumq; recusant.  
Ipse hyemes Bellator agis sub pellibus, urgens  
Militiæ non segnis opus, nihil aspera cæli  
*Te* movit facies, *Cereris* nec copia flexit  
Deficiens, variisq; gemens querimonia causis.  
Namq; laborantis stipendia militis ibant  
Langvidiûs, quia difficilem Respublica sumptum  
Affundebat egens. *Tu*, ne penuria pulchris  
Ausibus obstaret, largis patrimonia rivis  
Dimanare jubes, proprii nec labe peculi  
Defectus Patriæ dubitans pensare, maniplos  
Ære Tuo fulcis inopes. Sic militis in *Te*  
Crevit amor, sic castrenses tulit ille labores  
Impiger, extremoq; Tui sub limite Regni

C 2

Excubias



Excubias egit, patiens, quæcunq; jubebat  
 Sub rigido fortuna polo. Sic viscera Matris  
 Lechidos haud tetigit damnosa *licentia Martis*,  
 Quæ truculenta *lues*, grassata prioribus annis,  
 Gangrænâ pejus, labefecit totius artûs  
 Corporis, & populi nervos succidit egeni.  
 His progressa viis Virtus Tua, *maxime Regum*,  
 Sarmatiam recreat, quæq; olim perdidit illa,  
 Reddis. Ad obsequii frænum rediêre rebelles,  
 Quæq; bibunt Vrbes Hypanim, Rossûmq; Tiramq;  
 Cervicem flexêre Tibi, priscasq; secures  
 Agnoscunt, Regiq; suo se credere gaudent.  
 Quas cum Tartaricis innixa potentia nervis  
 Thracia prævastis cuperet pervertere rursum  
 Agminibus, ruerentq; immensi roboris alæ  
 Bistonides, ferrum crudele, ignemq; minantes:  
 His impar numero, bello sed vivida Virtus  
 Opposuit, quantum generoso pectore miles,  
 Te Divos tribuente Tuos, arisq; focusq;  
 Vindicias præbens, potuit; multoq; subinde  
 Barbara colluvies maduit prostrata cruore.  
 Tum quoq; prodigio Tibi monstravêre favorem  
 Sidera, quando *nives* æstivo mense tegebant,  
 Quæis stetit hostis, agros. Afflat Te mitior aura,  
 Illum terret hyems. Cælum Tibi sensit amicum  
 Barbaries, hostile sibi: Sic cedere campo  
 Maluit, & dare terga, Tuis Scythæ territæ armis,  
 Numinibusq; simul. Sic & sub Vindice tanto  
 Intactus sospesq; fuit *LEO RVSSICVS*, ille,  
 Impia cui toties frameamq; rogumq; minata est  
 Bizantina manus; voti damnanda cruenti  
 Forsitan, immanem nisi, Rex invictæ, stitisset  
 Virtutis *Tutela Tuæ*. Procumbere malle  
 Regius ardor erat caræ sub manibus Urbis,  
 Quàm dare Bistonii fædandam militis ungvæ.  
 Et stetit ille procul, tenuit Bassasq; Chanosq;  
*Vmbo Tuus*, fuditq; metum Mavortius ensis.  
 O si promissam jamdudum fædere junctus  
 Accelerasset opem Populus, quàm pulchra dabatur  
 Materies iterum palmis! quàm larga trophæis!  
 Cæca sed invidiæ tabes, odiiq; maligna  
 Fædavit loligo fidem, timuitq; Polonam  
 Submissis fultam auxiliis attollere gentem,  
 Cujus Achillæas jamdudum experta cohortes,  
 Fulmineasq; Aquilas non unâ clade suorum  
 Senferat. Hostiles sic illa immota furores  
 Spectavit, captæq; hominum gens aspera turbæ

Vix

462  
 Vix etiam ingemuit, tenuisse Borysthenis undam  
 Contenta, & Scythicas non admisisse catervas.  
 Sed veniet tandem tempus, quo seria rerum  
 Invertat fortuna vices, quo barbarus Illex  
 Lechica signa tremat, Syriusq; paveſcat Orontes,  
 Mæotisq; Tuis, *Mars noster*, inhorreat armis,  
 Cujus *PALLADIAM* nullus jam comminûs hostis  
*ÆGIDA* ferre potest, vultum nec sustinet ullus.  
 Scimus, *Buczaciam*, nuper cum cinxerat, Arcem  
 Post & *Trembloviam*, rapido vestigia cursu  
 Vertisse *Imbraimum* Bassam, Crimeosq; Dynastas  
 Conspectum fugisse Tuum, multumq; pavorem  
 In terras retulisse luas, ipsiq; Monarchæ  
 Amonio movisse metum, movisse furorem.  
 Intremuere omnes, cum ripam utramq; Polonos  
 Constitit insedisse Tyræ. Muldavia tota  
 Expavit, nostros spectans insistere portis,  
 Scrutariq; armis trepidæ penetralia terræ.  
 Sed brumale *Tuis* dedit intervalla trophæis  
 Sidus, & horrentes urgens penuria Campos,  
 Nec non dira *lues*, atro labefacta veneno  
 Corpora prosternens. Sic mittere *longius arma*  
 Publica disſvasit ratio, gemitusq; Tuorum.  
 Te quippe assiduo revocabat Patria voto,  
 Ante alios Regni *PRIMAS OLSZOVIVS*, ingens  
 Ille sub auspiciis Cari sibi *Principis, Atlas*  
 Consilii, Lechiciq; *CAPVT* sublime Senatûs.  
*TRZEBICIUS* pariter Præsul, quem culmina *Craci*  
 Suspiciunt, quem Roma colit, quem Civis honorat  
 De Patriâ summè meritum, semperq; merentem,  
 Consonat his, *Magni* cui credita cura *Sigilli*,  
*LESCINIVS*, nostri *Nestor* verissimûs ævi.  
 Consonuere alii *PROCERES*, & quisquis amantem  
 TE patriæ communis, amat. Post tanta laborum  
 Ausa, & perpetuis hyemes sub pellibus actas,  
 Post tot in exhaustis curas ac tædia terris,  
 Servatasq; armis Urbes, hostesq; fugatos,  
 Cernere Te flagrant, tandem & *Diadematè* cinctum  
 Regali, spectare animis concordibus optant.  
 Non *Patre* ulterius Cives, non *Sole* videntur  
 Posse carere suo: veriti, ne concitet iras,  
 Disſidiq; faces spargat turbator *Avernus*.  
 Destituisse preces, & sistere vota Tuorum,  
 Sævities Tibi visa fuit: patriæq; Salutis  
 Cura Tuum stimulis animum tam fortibus urſit,  
 Ut modica assiduo sudori, & Martis arenæ  
 Spiramenta dares. Mox didita fama per omnes

D

Sar-



Sarmatiae terras, animos hilaravit, ad instar  
 Aurorae, quae Mygdonio progressa cubili,  
 Gentibus optatam Phæbi succedere lucem  
 Nunciat, & roseo cum lumine gaudia fundit.  
 Anxia sed populo quem spes promissit anhelò,  
 Jam tandem SOL ipse venis. Jam *principis Urbis*  
 Mœnia celsa subis. Lætus replet omnia plausus,  
 Adnutat Pæana canens *Tibi* vertice Pindus.  
 Undiq; templa sonant. **LUCEMSANCTISSIMA**  
**MATER**

Commodat ecce suam: Tua fulgurat inde *Corona*  
 Splendidiùs, tanto rutilans augustiùs *Astro*.  
 Ipse **STANISLAVS**, Divum quem *Martyra* Lechis  
 Tota colit, qui sacra *Tuo* jam pandit honori  
 Limina, *Te* Patriæ librantem sceptrâ triumphans  
 Spectat, & æthereo **REGEM** sic excipit ore:

**S**Alve magnanimis, Princeps, Heroibus orte,  
 Lumen Avis, Gentiq; Tuæ: quem Patria gaudet  
 Se **TANTUM** peperisse sibi: cui subjicit ultrò  
 Sceptrâ, Jagelloniis olim benè credita dextris,  
 Nunc Tibi se tradit. Tu quod felicibus armis  
 Servasti, prudente manu moderabere Regnum  
 Sarmatiae, Civem Patriæ Tu legibus æqvis  
 Flectes, Bistonia fortis Tua Dextera Lunæ  
 Terribilis, vindex eadem Tutelaq; sacræ  
 Religionis erit. Cape fortunante Coronam  
 Numine, non alii tantum sedet aptiùs Ostrum.  
 Virtutem sublime Tuam Diadema coronat,  
 Ipse Coronabis meritum Diadema trophæis.





*[Faint, mostly illegible text in a historical script, possibly Latin or Italian, covering the upper and middle portions of the left page.]*



MA. 1. 2



